



«ХИЗБУТ-ТАХРИР»

ФИТНАСИДАН ОГОҲ БЎЛАЙЛИК!



“Хизбут-тахрир” қандай фирка?

“Хизбут-тахрир” – 1953-йилларда Фаластинда ташкил топган, гўёки халифалик барпо қилишни даъво қилаётган, аслида кўплаб ислом оламига мансуб мамлакатларда мусулмонларнинг орасида фитна уюштириш орқали ижтимоий барқарорлик ва уммат бирдамлигига раҳна солаётган фирка (партия) ҳисобланади.

Фирқанинг асосий ҳужжатида унинг *“руҳий уюшма ҳам, илмий уюшма ҳам, таълим-тарбия ишлари билан шуғулланадиган уюшма ҳам эмас, балки у исломий фикр асосига қурилган сиёсий уюшма”* экани, фаолияти дин, маърифат ёки хайрия эмас, балки **сиёсий соҳа** экани очиқ-ойдин таъкидланади. Яъни, диний-сиёсий нуқтаи-назаридан, “Хизбут-тахрир” гўёки исломий ғояни даъво қилсада, аслида қуруқ сиёсатдонликка ўргатадиган, **аҳли сунна жамоасига муҳолиф бўлган жамоа** ҳисобланади.



ХИЗБУТ-ТАХРИРНИНГ ИЖТИМОЙ ХАТАРАЛARI:

❗ Мусулмон мамлакатларида юрт раҳбарига қарши чиқиш, мавжуд тузумга бўйсунмаслик ва давлат тўнтаришини уюштиришни тарғиб қилади ҳамда тинч аҳолини жорий ҳукуматга қарши гиж-гижлайди;

❗ Демократия ва инсон эркинликлари гўёки куфр дунёқароши ва низоми экани, улар асосида давлат тузишни ҳамда амалдаги қонунларга итоат қилишни ҳаром, деб эълон қилади;

❗ ватанпарварлик ва миллий кадриятларни гўёки исломга ёт тушунча деб даъво қилади;

❗ ўзларига эргашмаган барча мусулмонларни ва уларни тўғри йўлга чақирган аҳли-уламоларни куфрда айблайди;

❗ хайр-саховат, ахлоқий тарбия ва яхшиликка чақириш, илм-маърифат тарқатишларни исломий давлат қуришдан чалғитувчи ножоиз амаллар сифатида қоралайди;

❗ фирка аъзоларига жони ва оиласидан кечиб бўлса ҳам ичган қасамига содиқ қолишга, уларнинг онгига ушбу қасамни бузса гўёки “кофир”

бўлишлари сингдирилиши сабабли аксарият “ҳизбчилар” ҳаётларини бе-самара ўтказмоқда, бунда кўпроқ уларнинг ота-оналари, аҳли-оилалари, фарзанд-зурриётлари ва яқинлари қийналмоқда;

Ⓢ ўз мақсадини амалга ошириш йўлида ношаръий ва умуминсонийлик меъёрларига зид услубларни қўллаш мумкин, деб фатво беради.

“Ҳизбут-тахрир” Ислом дини ва мусулмон жамиятларига фақат зарар етказайтгани сабабли Саудия Арабистони, Миср, Иордания, Туркия, Покистон, Хитой, шунингдек, Яқин Шарқ ва Шимолий Африканинг аксарият мамлакатларида, қўшни Тожикистон, Қозоғистон ва Қирғизистонда, Россия Федерациясида ноқонуний ҳисобланади.



“ҲИЗБУТ-ТАХРИР”НИНГ ДИНДАГИ БОТИЛ ҒОЯЛАРИ:

Ⓢ **Халифалик ўрнатилиши.** “Ҳизбут-тахрир” аъзолари ҳар икки гапнинг бирида, **уч кундан ортиқ халифасиз яшаш ҳаром**, деган иддаони илгари суради. Таъкидлаш жоизки, Аллоҳ таоло ва Пайғамбар соллаллоҳу алайҳи васаллам томонларидан **уч кундан ортиқ халифасиз яшаш ҳаром**, деган **ҳукм чиқарилмаган**. Исломда ҳалол ва ҳаром ҳақидаги ҳукми **фақат Аллоҳ таолонинг Ўзи ёки У Зотнинг Пайғамбари чиқариши мумкин** холос;

Ⓢ **Қасам ичириши.** Фирқага қираётганларга халифаликни барпо қилишда жони ва оиласидан воз кечиб бўлса-да ҳаракат қилишга қасам ичирилади. Ушбу қасамни бузса, диндан чиқиши ва гўёки кофир бўлиши сингдирилади. Аслида, Исломда қасамнинг ўз шартлари бўлиб, **бузғунчи нарсаларга қасам ичилмайди**. Шариатимизга кўра, Қуръон ва суннатда келган хабарлар борасида “Ҳизбут-тахрир” талқинидан бошқа талқинни қабул қилмаслик каби мазмунда ичилган қасамга **амал қилиш умуман мумкин эмас!**

Ислом дини қасамни баҳона қилиб **мусулмонлардан “халифалик” қуришни ҳам, бунинг учун оиладан воз кечишни ҳам талаб қилмайди!** Дунё уламолари бу каби бир тарафдан бесамар, бошқа тарафдан эса шубҳали, гоҳида ҳатто зарарли ҳам бўладиган ишлардан дарҳол тийилиб, қасам каффоратини адо этиш лозим эканини эътироф этадилар.

“Саҳиҳи Бухорий” да 6621-рақамли ҳадиси шарифда Ойша (розияллоҳу анҳо)дан ривоят қилинади: *“(Отам) Абу Бакр (розияллоҳу анҳу) токи Аллоҳ таоло қасам каффорати ҳақидаги оятни нозил қилгунигача қадар, зинҳор ичган қасамларини бузмас эдилар. (Ўша оят нозил бўлгач эса): “Қачонки бир нарсага қасам ичсаму, кейин бошқа нарса ундан хайрлироқ эканини кўрсам, албатта ўша афзал ишни қилавераман, ушбу қасамим учун эса каффорат тўлайман”, дедилар”.*

Ⓢ **Амру маъруф ва наҳй мункар, оҳод ҳадисларни, қабр азоби ва Масиҳ Дажжол чиқишини инкор этади.** Фазилатли Шайх Муҳаммад Содиқ Муҳаммад Юсуф раҳимаҳуллоҳ “Дин насиҳатдир” номли китобларида ҳизбчиларнинг қабр азоби ва Масиҳ Дажжол чиқишига эътиқод қилишни ҳаром, дейиши **энг хатарли хатоларидан** бири эканини таъкидлаган;

Ⓜ беҳаё суратларни томоша қилиш ва номаҳрам аёлнинг қўлини ушлашни **шаръан жоиз ҳисоблайди**;

Ⓜ икки қутбда яшовчилардан **намоз ва рўза соқит бўлади, деб Исломнинг икки асосларига зид ҳукм беради.**

Ⓜ Ислом таълимотига зид равишда шариат масалаларида шаръий манбалардан ақл ва тафаккурни **устун қўяди.**



ИСЛОМ УЛАМОЛАРИНИНГ “ҲИЗБУТ-ТАҲРИР”ГА МУНОСАБАТИ:

✔ Марҳум **Шайх Муҳаммад Содиқ Муҳаммад Юсуф** *“Мутавотир далил билан собит бўлган нарсани инкор қилган одам кофир бўлиб, Исломдан чиқади. Оҳод ҳадисларда келган маънони инкор қилган одам фосиқ бўлади. Шу қоидага биноан, “Ҳизбут таҳрир” умумий равишда фосиқ бўлади”*, деб хулоса берган;

✔ Дунёдаги машҳур уламолар **Муҳаммад Тантовий, Юсуф Қаразовий, Сулаймон Ашқор** ва бошқалар “Ҳизбут-таҳрир”ни сиёсий ҳокимиятни эгаллашни устувор вазифа сифатида кўриши, кўплаб шаръий масалаларда ислом аҳкомларига мутлақо зид фатволар бериши сабабли қаттиқ қоралаганлар ҳамда **адашган фирқа** деб эълон қилганлар.



“ҲИЗБУТ-ТАҲРИР” ЖАМОАСИДА АЛОҲИДА ШАХС ҲЕЧ ҚАНДАЙ САЛМОҚҚА ЭГА ЭМАС:

Ⓜ раҳбарларига маблағ тўплаб беради ва уларнинг буйруғини сўзсиз бажаради;

Ⓜ хато кўринган масалада норози бўлса ҳам, ичган қасами рўқач қилиниб, эътирозлари эътиборга олинмайди;

Ⓜ оддий аъзолар ҳатто “Ҳизбут таҳрир”нинг етакчиси ким ва қаерда экани, тўплаб бераётган маблағи қаерга сарф бўлаётганини билмайди;

Ⓜ фирқа аъзолари ўзлари танимаган ва билмаган шахсларнинг сароб ғояларига кўр-кўрона эргашиш оқибатда, оиласига масъул бўлиш каби **Аллоҳ томонидан фарз этиб қўйилган вазифаларини ижро этмай** келмоқда.



“ҲИЗБУТ-ТАҲРИР” ФАОЛИЯТИГА ҚОНУНИЙ БАҲО:

Ўзбекистон Республикаси Олий судининг 2016 йил 26 сентябрдаги Қарорига мувофиқ **“Ҳизбут-таҳрир” террорчилик ташкилоти, деб тан олинган ҳамда Ўзбекистон Республикасида фаолияти таъқиқланган.**

Ушбу фирқа фаолиятида турли шаклларда иштирок этиш Ўзбекистон Республикаси Жиноят Кодексининг қуйидаги моддалари асосида жиноий жавобгарликларга олиб келади:

156-модда. Миллий, ирқий, этник ёки диний адоват қўзғатиш;

159-модда. Ўзбекистон Республикасининг конституциявий тузумига тажовуз қилиш;

216-модда. Жамоат бирлашмалари ёки диний ташкилотларни қонунга хилоф равишда тузиш;

216-1-модда. Ғайриқонуний жамоат бирлашмалари ва диний ташкилотлар фаолиятида қатнашишга ундаш;

216-2-модда. Диний ташкилотлар тўғрисидаги қонунчиликни бузиш;

244-1-модда. Жамоат хавфсизлиги ва жамоат тартибига таҳдид солади-ган материалларни тайёрлаш, сақлаш, тарқатиш ёки намойиш этиш;

244-2-модда. Диний экстремистик, сепаратистик, фундаменталистик ёки бошқа тақиқланган ташкилотлар тузиш, уларга раҳбарлик қилиш, уларда иштирок этиш;

244-3-модда. Диний мазмундаги материалларни қонунга хилоф равишда тайёрлаш, сақлаш, олиб кириш ёки тарқатиш;

246-модда. Контрабанда (... диний экстремизм, сепаратизм ва ақида-парастликни тарғиб қилувчи материалларни Ўзбекистон Республикасининг боғжона чегарасидан ўтказиш).



ДИНИЙ-МАЪРИФИЙ САЙТ ВА ИЖТИМОИЙ ТАРМОҚЛАР:

Ўзбекистон мусулмонлари идораси томонидан юртдошларимизнинг диний масалалардаги саволларига жавоб бериш мақсадида **Колл-марказ** тизими йўлга қўйилди. Эндиликда сиз **(78) 150-33-44 телефон** рақами орқали малакали мутахассислардан жавоб олишингиз мумкин.

Шунингдек, **savollar.muslim.uz** ва **Fatvo.uz** веб-саҳифалари ҳамда **@SavollarMuslimUzBot** телеграм каналига ҳам саволларингизни жўнатишингиз мумкин. Аёл-қизларга хос масалаларни Телеграмдаги **@muminalaruzb** номли канал орқали олишни тавсия этамиз.

Сайт номи	Телеграм	Телеграм
muslim.uz	@muslimuzportal	@AhliSunnaVaUamoaUz
islom.uz	@islomuz_kanal	@sof_talimotlar
religions.uz	@DinQumita	@abu_hanufa_uz
fatvo.uz	@diniysavollar	@shoshhanafiy
hidoyat.uz	@HidoyatUz	@ahli_sunna_wal_jamaa
fitrat.uz	@fitratuz	@ahnafuz
alberuniy.uz	@alberuniyuz	@imom_buxoriy_uz
nasafziyo.uz	@nasafziyo	@hidoyat_yuli
paziylet.uz	@paziyletuz	@MoturidiyAhliSunnaMaktabi



Жаҳолатга қарши маърифат йўналишидаги маълумотлар базаси



Шайх Муҳаммад Содиқ Муҳаммад Юсуф раҳимахуллохнинг "Ҳизбуттаҳрир" фитналарини фош этиб берган "Дин насихатдир" китоби



Ўзбекистон Республикаси Жиноят Кодекси



Ўзбекистон мусулмонлари идорасининг "Ҳизбуттаҳрир" фитнасидан огоҳлантириш" номли китоби

Ўзбекистон мусулмонлари идораси
«Шамсуддинхон Бобохонов» НМИУ